

雷氏宗譜

二 卷



奉

天承运

皇帝制曰奋武尚功特隆选举之典入官资敬肆推教  
育之恩尔雷全鐔乃把总雷达先之父德积诸躬教  
能敬后爱旁交备垂弓矢之良模统绪克绍辛箕丧  
之弗墜兹以覃恩封尔为武略将军錫之诰命於戏  
来朱紱而永耀恩泽绵长錫鞶带以加荣天庥弗替



# 雷氏宗譜

卷二

诰命

講易堂

制曰家訓維勤克昭孝慈之德國恩深厚特具褒錫之  
文尔黄氏乃把总雷达先之母克树芳型尤多懿教  
著承筐之雅范早知率礼无愆寓徙宅之深心果见  
克家有子兹以覃恩封尔为宜人於戏彤毫洒泪爰  
推顾复之恩彩翟流芳允荷宠绥之典  
道光二十五年穀旦吉日






精  
命

卷二  
浩命

講易堂



奉

天承运

皇帝制曰策动疆圉昭大父之恩勤錫賚絲纶表皇朝  
之濡泽尔雪作梅乃湖北宜昌镇标中营把总雷达  
先之祖父敬以持躬忠能启后威宣海外家傳韬略  
之书泽沛天边国有旃常之典兹以覃恩哂赠尔为  
武信骑尉錫之勅命於戎我武维扬特起孙枝之秀  
赏延於世益徵遗绪之长

雷氏宗

卷二

浩命

二

講易堂

制曰树丰功於行阵业著闻孙錫介福於庭帙恩推  
大母尔刘氏乃湖北宜昌镇标中营把总雷达先  
之祖母壶仪足正令闻攸昭表剑珮之家声辉流  
奕世播丝纶之国典庆衍再傳兹以覃恩哂赠尔  
为孺人於戏崔嵬用光膺宏休於天囿龙章载焕  
被大惠於重泉  
咸丰二年三月初八日

雷氏宗譜  
卷二  
誥命  
三  
講易堂

雷氏宗譜


卷二 誥命

三

講易堂

奉  
天  
承  
運

皇帝制曰考績疏庸特重推恩之典服官資敬聿推  
式谷之功尔雷会铨乃刑部山西司候補主事加  
一级雷鳴之父世擅清門代傳系业家风淳厚垂  
弓冶之良模庭训方严启诗书之令绪兹以覃恩  
封尔为奉直大夫錫之誥命於戏薄籛金而示海  
世泽常延錫厚帝以加榮天庥弗替



制曰官学方成读父书而继业爰劳交各禀母训以扬  
名尔周氏乃刑部山西司候补主事加一级雷鵠之  
母克树芳型尤多慈教著承筐之雅范早知率礼无  
愆寓徙宅之深心果见克家有子兹以覃恩尔为  
宜人於戏彤毫洒润爰推顾复之恩彩翟流芳水荷  
宠绥之典

道光八年十一月初九日

雷氏宗譜

卷一

浩命

四

講易堂

奉

天承运

皇帝制曰慎笃靖共入官必资於敬功归海迪犹子亦  
教以忠爰沛国恩用扬家训尔雷会铭乃刑部山西  
司候补主事加一级雷鵠之叔父躬修士行代启儒  
风抱璞自珍克发珪璋之秀储才足用其彰杞梓之  
良兹以覃恩尔封尔为奉直大夫锡之浩命於兹貽  
令闻於经籙书垂刻鹄佩徽章於策府寵賚迥鸾茂  
典丕承荣名益劭

制曰家有孝慈之范美以相济而成国崇褒錫之文恩以並推而厚尔周氏乃刑部山西司候補主事加一级雷鳴之叔母德可相夫教能启后一堂环珮和音克著其慈祥五夜机丝内治聿昭其柔順茲以覃恩賚贈尔为宜人於戏溥一体之荣施齊章賚采表同心於訓迪象服分光

道光八年十一月初九日

雷氏宗譜

卷二

浩命

五

講易堂

奉

天承運

皇帝制曰弼教祥刑首重簡孚之任察辭蔽獄聿推明允之司尔刑部候補主事加一级雷鳴以茲邦禁隸在秋官用錫寬平克贊好生之德宅心矜恕式敷止辟之休茲以覃恩賚尔为奉直大夫錫之勅命於戏賚恩纶之有赫期執法以无愆寵命其承恪勤勿替

制曰勤宣声绩聿微服采之才茂著规型式共同心之  
微尔刑部候补主事加一级雷福之妻陈氏夙谙内  
则作配名门训典娴明允协珩璜之度礼仪纯备克  
彰淑藻之风兹以覃恩酌尔为宜人於戏荷天宠以  
流芳鱼轩焕采被国恩而锡誉马鬣增高

雷氏宗譜

卷二 浩命

六

講易堂

制曰国恩錫式酬服采之劳闾范嗣修栽奘观型之  
化尔刑部候补主事加一级雷福之继妻濮氏早谙  
女诫六举妇功惠问交流洁后先而媲美素风相勸  
庖内外以同心兹以覃恩酌尔为宜人於戏扇兰佩  
之 蕤被芝泥之霽澤祇承庆典益劬荣名

道光十四年十月十九日



奉

天承运

皇帝制曰沛酬庸之庆典茂对皇麻敷锡类之殊荣曲  
成臣孝尔雷万和乃刑部山西司主事加一级雷鳴  
之祖父箕裘绍绪诗礼垂声厥孙谋树芳规於珂  
里绳其祖武奏茂績於彤廷茲以覃恩賜贈尔为奉  
政大夫刑部山西司主事加二级錫之誥命於戏开  
堂构以培基德钟家沛丝纶而錫命泽渥泉台

雷氏宗譜

卷二

誥命

七

講易堂

制曰德门衍庆渊源早裕夫孙謀盛世推以纶綵载扬  
夫母范尔顾氏乃刑部山西司主事加一级雷鳴之  
祖母高门毓德华闈乃有谷貽孙贍同心於内助  
自天中命表异数於中圉茲以覃恩賜贈尔为至人  
於戏光生綸翟常昭彤管之辉德煥珩璜允著徽章  
之色

道光十五年十月初十日



奉

不承运

皇帝制曰考績疏庸特重推恩之典服官資敬事推式  
谷之功尔雷会銮乃刑部山西司主事加二级雷鳴  
之父世擅清門代傳素业家风淳厚垂弓冶之良模  
庭訓方严启诗书之令绪兹以覃恩封尔为奉政大  
夫刑部山西司主事加一级錫之誥命於戎薄贏金  
而示誨世澤常延錫鞶带以加榮天麻弗替



# 雷氏宗譜

卷二

浩命

八

講易堂



制曰官学方成读父书而继业爰劳交各稟母训以扬  
名尔周氏乃刑部山西司主事加一级雷鳴之母克  
树芳刑尤多慈教著承筐之雅范早知率礼无愆寓  
徙宅之深心果见克家有子兹以覃恩赠尔为宜人  
於戏彤毫洒润爰推顾复之恩彩翟流芳允荷宠綏  
之典

道光十五年十月初十日



奉

天承运

皇帝制曰沛酬庸之庆典茂对皇麻敷锡类之殊荣曲  
成臣孝尔雷万和乃都察院礼科给事中加一级  
以誠之祖父箕裘绍绪诗礼垂声貽厥孙谋树芳规  
於珂里绳其祖武奏茂績於彤廷茲以覃恩賜贈尔  
为朝议大夫都察院礼科给事中加一级錫之誥命  
於戏开堂构以培基德钟家庆沛丝纶而錫命澤渥  
泉台

雷氏宗譜

卷二

誥命

九

講易堂

制曰德门衍庆渊源早裕夫孙谋盛世推恩纶綵载扬  
夫母范尔顾氏乃都察院礼科给事中加一级  
誠之祖母高门毓德华闈傳芳有谷貽孙赖同心於  
内助自天申命表异数於中闈茲以覃恩賜贈尔为  
恭人於戏光生禴糴常昭彤管之輝德媿珩璜允著  
徽章之色

道光二十五年十月十五日

奉

天承运

皇帝制曰宜笃靖共入官必資於敏功引誨迪能仕而  
教之忠彞沛国恩用扬庭训尔前赠奉直大夫雷会  
銓乃都察院礼科给事中加一级雷以誠之父躬修  
士行代廟儒风抱璞自珍克毓珪璋之秀析薪能荷  
弥彰杞梓之良兹以覃恩晋赠尔为朝议大夫锡之  
誥命於或貽令闻於经籙义方久著佩徽章於策府  
礼秩加优茂典丕承湛恩允荷

# 雷氏宗譜


卷二 誥命

講易堂

制曰移孝作忠懋簡勞臣之績推恩錫类式扬贤母之

名载责荣纶用宣懿范尔前赠宜人周氏乃都察院  
礼科给事中加一级雷以誠之母早娴典则夙著  
型敬以从夫宜室聿徵其順德勤於训子备官  
於慈祥兹以覃恩晋赠尔恭人於或荷彩翟之天章  
徽音益畅被彤毫之仙藻惠同常流祇服宠光式绥  
福曜

道光二十五年十月十五日



奉

天承運

皇帝制曰敷恩有位晉显秩於清班澤逮前人溯劬勞  
 於大父尔雷万和乃奉天府丞兼学政加一级今调  
 太常寺少卿雷以誠之祖父善积厥躬庆流於后业  
 守一经之训允裕孙谋庭开再世之祥克彰祖武兹  
 以覃恩赐赠尔中议大夫奉天府丞兼学政加一级  
 錫之諡命於戏谷貽既永昭式廓於家川寵錫弥彰  
 賁隆施於泉壤

# 雷氏宗譜


卷一 浩命

講易堂



制曰朝廷广錫类之仁恩昭乎英臣下遂显扬之志源  
 溯重闻尔厥祖乃奉 府丞兼学政加一级今调太  
 常寺少卿雷以誠之祖母礼娴内闈泽裕后昆含饴  
 早著夫恩 祥绵华冒称职悉由於教庆沛新纶  
 兹以覃恩赐赠尔为淑人 戏佑后人不振光昌  
 之绪褒嘉淑德允 纯备之仪

道光三十年正月二十六日





奉

天承运

皇帝制曰委质策名荣既膺夫簪绂克家缙绪功必绍  
 以箕裘尔雷会铨乃奉天府丞兼学政加一级今调  
 太常寺少卿雷以誠之父道足持躬谋能裕后经傳  
 诗礼青湘扬奕叶之辉庆笃芝兰并孳焕天衢之泽  
 前微允懋新典宜颁兹以覃恩贈尔为中议大夫奉  
 天府丞兼学政加一级錫之誥命於或被早服以增  
 荣聿显肯堂之绪承丝纶而无黍用昭积庆之风



# 雷氏宗譜

卷二

誥命

一三

講易堂



制曰教启义方慈母克襄夫严父荣敷罔罔君恩宜体  
 乎子情尔周氏乃奉天府丞兼学政加一级今调太  
 常寺少卿雷以誠之母贞淑性成徽柔道协夙宣慈  
 训聿储卓牵之材载布教音川衍焯昌之祚飞昭令  
 绪特沛温纶兹以覃恩贈尔为淑人於戏龙章式贲  
 壶德美著於当时象服钦承懿范垂光夫采叶

道光三十年正月二十六日



奉

天承运

皇帝制曰化启旧都政教先根本之地功参京兆褒崇  
分官赏之荣尔奉天府丞兼学政加一级今调太常  
寺少卿雷以誠公正为怀勤劳佐治长才克展宣化  
理於邠岐雅化方流播弦歌於丰沛适逢庆典用贲  
恩施兹以覃恩特授尔为中议大夫锡之誥命於戏  
箴陪京之重任嘉励相之得人表尔贤劳膺兹寵渥

雷氏宗譜

卷二

誥命

一三

講易堂

制曰朝重良臣丹陛聿頒崇獎家資賢配彤管实表匡

襄尔奉天府丞兼学政加一级今调太常寺少卿雷  
以誠之妻陈氏芳声素裕内则久娴肃雍著其姆  
仪进思交勉敬戒克修其妇道退食相规载錫丝纶  
用光翟茀兹以覃恩赠尔为淑人於戏象服昇宜披  
宠荣而弗替龙章用贲昭仪范而犹存

制曰登朝抒伟略国典之所綦崇继室嗣前徽壺范於  
 焉不著尔奉天府丞兼学政加一级今调太常寺少  
 卿雷以誠之继妻濮氏秉教姆师绍修闕政勤女工  
 於夕杼鏘鸣珥璫之声襄臣节於素纁彩映纶章之  
 色欣逢庆典褰被新恩兹以覃恩赠尔为淑人於戏  
 内则是烟播芳型於彤史令仪罔忒留遗躅於青湘

道光三十年三月初二日

雷氏宗譜

卷二 浩命

一四

講易堂

天承运 奉

皇帝制曰誼篤靖共入官必資於敬功归海迪犹子亦  
 教以忠爱沛国恩用扬家训尔雷岩蒙乃奉天府丞  
 兼学政加一级今调太常寺少卿雷以誠之胞伯父  
 躬修士行代肩儒风抱璞自珍克允圭璋之秀備材  
 足用聿彰杞梓之良兹以覃恩赐赠尔为通议大夫  
 奉天府丞兼学政加二级錫之浩命於戏昭令闻於  
 经觚书贍刻鹄佩徽章於策府宏贗迥鸾茂典丕承  
 荣名益劬



制曰家有孝慈之范美以相济而成国崇褒锡之文恩以並推而厚尔熊氏乃奉天府承兼学政加二级今调太常寺少卿雷以誠之胞伯母德可相夫教能居后一堂环珮和音克著其慈祥五夜机丝内治聿昭其柔顺兹以覃恩赠尔为淑人於戏普一体之荣施鸾书賚采表同心於训迪象服分光

道光三十年四月十三日

# 雷氏宗譜

卷二

浩命

一五

講易堂

奉

天承運

皇帝制曰委质策名恭既膺夫辨級克家績緒光必述乎門問尔以浚乃光祿寺卿雷以誠之胞兄道足持躬情殷訓弟經傳詩礼青緗揚履序之輝庆篤芝兰丹綵煥龙章之丽芳徽永懋新典宜頒兹以覃恩赠尔为恭祿大夫錫之命於尔被章服以增荣聿显友恭之义恩纶而无黍弥彰善庆之风

制曰教佐义方内则允彰夫懿范荣敷闾閤朝恩宜俸  
 平私情尔金氏乃光禄寺卿雷以誠之嫂贞淑性成  
 徽柔道切身娴姆训聿储卓牵之材志稟慈徽川衍  
 焯昌之绪丕昭淑慎特遣丝纶以覃恩贖贈尔为  
 夫人於戏龙章焕令仪著美於当时象服钦承名德  
 益彰於奕叶

咸丰元年四月廿六日

雷氏宗譜

卷二 浩命

一六

講易堂

奉

天承运

皇帝制曰盛代酬庸之典申錫命於五章良臣拔本之  
 荣极推恩於四世載嘉旧德爰新纶尔 雷南陆乃  
 前任署刑部右侍郎光禄寺卿 以 之曾祖父善  
 以开先业能昌后 一 经 垂教发诗礼之善 奕世贍  
 休表弓裘之知 夔欣逢庆典特贖天章兹以覃恩 贖  
 爾为荣禄大夫 命於戏秩崇 相 邀 霽泽  
 於中刺源远流长树 於来 禮 飲 承 命 川 閤 幽  
 光

制曰朝廷布榮紵之褒礼求其始爰典錫重闈之庆恩  
 逮所生嘉命載頒徽音益远尔吴氏乃前任署刑部  
 右侍郎光禄寺卿雷以誠之曾祖母柔嘉维则淑慎  
 其仪矩夔姻明夙协宜家之化风规表著式昭启后  
 之模集介福於曾孙溯芳型於累世兹以覃恩贍贈  
 尔为夫人於戏龙章焕采犹傳珩璫之声凤诰增华  
 益焕笄珈之色尚承寵命长席鸿禧  
 咸丰十一年十月初九日

雷氏宗譜

卷二 浩命

一七

講易堂

奉

天承運

皇帝制曰恩敷有位晉显秩於清班澤逮前人溯劬勞  
 於大父尔雷乃和乃前任署刑部右侍郎光禄寺卿  
 雷以誠之祖父善积厥躬庆流於后业守一经之訓  
 允裕孙谋庭开再世之祥克彰祖武兹以覃恩贍尔  
 为荣禄大夫錫之誥命於兹谷賚有自昭茂绪於家  
 声宠錫弥彰隆施於泉壤

制曰朝廷广錫类之二恩昭晋秩臣子遂显扬之志源  
溯重闈尔顾氏以前任署刑部右侍郎光禄寺卿雷  
以誠之祖母礼娴内则泽裕后昆含怡早著大恩勤  
祥绵华胄祿职夙由於壺教庆沛新纶兹以覃恩赠  
尔为夫人於戏佑启后人丕振光昌之绪褒嘉淑德  
永垂纯备之仪

咸丰十一年十月初九日

# 雷氏宗譜

卷二 浩命

一八 講易堂

奉

天承运

皇帝制曰委质策名榮既膺夫簪绂克家繼緒功必逮  
乎箕裘尔雷会鑑乃前任署刑部右侍郎光禄寺卿  
雷以誠之父道足持躬情殷裕后经傳詩礼育細扬  
奕叶之辉庆笃芝兰丹绶焕天衢之泽前徵允懋新  
典宜頒兹以覃恩赠尔为荣禄大夫錫之誥命於戏  
被章服以增 肆显肯堂之绪承绪纶而无黍用昭  
积庆之风

制曰教启义方慈母克襄夫严父荣敷闕閤君恩宜体  
乎子情尔周氏乃前任署刑部右侍郎光禄寺卿雷  
以誠之母贞淑性成徽柔道协夙宣慈训聿储卓率  
之材载布徽音用衍炽昌之祚丕昭令绪特资温纶  
兹以覃恩赠为夫人於戏龙章贲壺著美於当时象  
服钦承遗范垂光夫来叶

咸丰十一年十月初九日

雷氏宗譜

卷二

浩命

一九

講易堂

奉

天承运

皇帝制曰委质策名榮既膺夫辨紱克家纘绪光必述  
乎门閭尔雷以泳乃前任署刑部右侍郎光禄寺卿  
雷以誠之胞兄道足持躬情殷训弟经傳诗礼青衿  
扬雁序之辉庆笃芝兰丹綵焕龙章之丽芳徽允懋  
新典宜頒兹以覃恩賜贈尔为荣禄大夫锡之浩命  
於戏被章服以增荣聿显友恭之义承丝纶而无黍  
弥彰善庆风

制曰教佐义方内则允彰夫懿范荣敷罔罔朝恩宜俸  
乎私情尔曹氏乃前任署刑部右侍郎光禄寺卿雷  
以誠之嫂贞淑性成徽柔道协身嫺姆训聿储卓牵  
之材志稟慈徽用衍熾昌之绪不昭淑慎特贲丝纶  
兹以覃恩施赠尔为夫人於戏龙章式焕令仪著美  
於时象服钦承名德益彰於奕叶

咸丰十一年十二月初七日

雷氏宗譜

卷二 浩命

二〇

講易堂





奉

天承运

皇帝制曰策勛疆圉昭大父之恩勳錫賚纒纶表皇朝  
之霈泽尔雷华国乃安徽庐州卫守备雷逢春之祖  
父敬以持躬忠能启后威宣闕外家傳韬略之书泽  
沛天边国有旃常之典兹以覃恩赐赠封尔为武德  
佐骑尉锡之诰命於戎我武维扬特起孙枝之秀赏  
延於世聿昭祖德之垂



# 雷氏宗譜

卷一

浩命

二二

講易堂



制曰树丰功心行阵业著闻孙錫介福於庭帟恩推大  
母尔陈氏乃安徽庐州卫守备雷逢春之祖母並仪  
足式令问攸昭表剑珮之家声辉流奕世播纒纶之  
国典庆衍再傳兹以覃恩赐封尔为宜人於戏推第  
用光膺宏麻於天罔龙章载也昭异泽於皇朝



奉

天承运

皇帝制曰寵綏國爵式嘉閱閱之勞蔚起門風川表庭  
闈之訓尔雷月江乃安徽庐州卫守备雷逢春之父  
义方启后谷似光前积善在躬树良型於弓冶克家  
有子拓令绪於韜鈴茲以覃恩封尔为武德佐骑尉  
錫之誥命於戏鏤策府之徽章游承恩泽荷天家之  
休命增耀门闈

雷氏宗譜

卷二

誥命

講易堂

制曰怙恃同恩人子勤思於將母起桓著績王朝錫类  
以荣亲尔晏氏乃安徽庐州卫守备雷逢春之母七  
誠嫺明三迁黜笞令仪不忒早流珩璫之声慈教有  
成果见千城之器兹以覃恩封尔为宜人於戏錫龙  
纶而焕采川答劬劳被象服以承恩允膺光宠



奉

天承运

皇帝制圻区画军屯兵食聿关大计贤劳王事人臣实  
有常经尔安徽庐州卫守备雷逢春展力戎旃留心  
武备伍符尺籍备简阅之规轍粟飞刍具展精勤  
之绩克彰前效用沛殊施兹以覃恩授尔为武德骑  
尉锡之誥命於兹无忘介冑之劳只承异渥式荷丝  
纶之寵益布新猷

雷氏宗譜

卷二

誥命

一三三

講易堂

制曰策府疏勛甄武臣之茂績寢門治业阐贤助之徽  
音尔安徽庐州卫守备雷逢春之妻蔡氏毓质名闺  
作嫔右族擷蘋采藻夙彰宜室之风说礼敦诗具见  
同心之雅兹以覃恩封尔为宜人於兹锡龙章於闈  
闕惠泽常流荷嘉獎於丝纶芳声弥切

奉

天承运

皇帝制曰恩敷有位晋显秩於清班泽逮前人溯劬  
劳於大父尔雷步青乃都司衔武生雷震声之祖  
父善积厥躬庆流於后业守一经之训允格孙谋  
庭开再世之祥克彰祖武兹以覃恩赠尔为昭武  
都尉錫之誥命於戏谷贻有自昭茂绪於家声寵  
錫弥彰贵隆施於泉壤

# 雷氏宗譜

卷二

浩命

二四

講易堂

制曰朝廷广錫类之仁恩昭晋秩臣子遂显扬之志  
源溯重闈尔黄氏乃都司衔武生雷震声之祖母  
礼姻内则泽裕后昆含饴早著夫恩勤祥绵华胄  
称取夙由於壺教庆沛新纶丝以覃恩矧尔为恭  
人於戏佑启后人丕振光昌之绪褒嘉淑德永垂  
纯备之仪

光緒三十年八月二十八日

奉

天承运

皇帝制曰宠绥国爵式嘉闾闕之勞蔚起門風用表  
庭闈之訓小雷華國乃都司銜武生雷震声之父  
义方启后谷似光前积善在躬树良型於弓冶克  
家有子拓令绪於韜鈴茲以尔子克襄王事封尔  
为昭武都尉錫之誥命於茲錫策府之徽章海承  
恩泽荷天家之休命增耀门闾

雷氏宗譜

卷二

浩命

二五

講易堂

制曰怙恃同恩人子勤思於將母起桓著績王朝錫  
类以荣亲尔吴氏乃都司銜武生雷震声之母七  
诚嫻明三迁勤笃令仪不忒早流珩瑀之声慈教  
有成果见干城之器兹以尔子克襄王事封尔为  
恭人於戏錫龙纶而焕采用答劬劳被象服以承  
麻允膺光寵

光緒三十年八月二十八日

# 鶴臯公年譜畧

公譜名昭溢試名鳴更名以誠字省之号春霆一号鶴臯未生前一日母周太夫人梦古衣冠老人礼拜肃贺称当得佳儿次日而公生幼羸弱多疾不耐督课而性好善八九岁时即留心字学每见劝孝友阴陞各文並应驗蔡方必敬谨楷书粘於大门外墙壁俾众目咸观读书日不过四五百字以沉潜入理渐有颖悟诸昆仲承 父母命谓其当有成就虽家道中落不令废书先从 伯父北轩公授读继隨 叔父箴斋公始学为文年甫十五出就崇阳 王至堂先生

卷二 年譜

二六

王至堂先生

蓮 北軒公之命也 至堂先生念系心交夙好曾受付託又嘉公篤信好学谓为雷氏有子矣

嘉庆二十二年丁丑沈鼎甫学使来楚岁试公以府試第五名補弟子員 嘉庆二十三年戊寅科试补增广生 嘉庆二十四年己卯杨介莘大理寺少卿视学楚北岁试一等第六名 道光元年辛巳恭逢 恩科举於乡道光二年壬午礼闈报罢留住京师 道光三年癸未成进士 欽点主事等分刑部直隸司行走乞假旋里省亲

祀 先祖

道光四年甲申到刑部销假改山西司主稿。中间 钦派顺天乡试  
外帘官一次。会试外帘官二次。道光十年庚寅丁外艰回家守制。  
道光十三年癸巳起复仍在山西司主稿。

道光十四年甲午随刑部尚书史望之名致伊出使

西陵派监督缮修

太东陵宝城差竣归部奏明以

提牢厅拟陪

道光十五年乙未奉旨管理提牢厅

道光十

六年丙申差满道光十七年丁酉提补河南司主事 道光十九年

己亥随同刑侍郎黄树斋爵滋出使丰任县山海海关辨案件竣旋

复讞差

驰赴闽浙查办事件行至苏常会同部任江苏学政升都

察院总宪祁春甫崔藻前往在途度岁

道光二十年庚子由浙赴

闽至省城住贡院办事同事者有浙江司主事罗六湖天池所有会

審具奏各案均系公先行起草计共四十餘

悉能称

旨回至

浙江查件事毕已登舟将拟回都复奉 赴厦门查办事件十二月

二六日差竣回都

道光二十一年辛丑提升广西司员外郎调福

建司事奉送考御史名在第五奉

旨记名以御史用是四月年提

升江西司郎中八月引

见补授山东道监察御史

道光二十二年壬寅兼署掌江西道并署刑科给事中 道光二

十三年癸卯转掌贵州道 道光二十四年甲辰奉 旨稽查海

运仓又 钦命巡视中城中间 钦派顺天乡试监场一次会试监

视外围一次监试八旗文童一次又监试 恩监生一次

道光二十五年乙巳方奉 旨监试满中书科时在场内未得随班

引 见忽报称已升礼科给事中盖 特恩也是十二月二十四

日有推广 誥封之奏计公在御史给諫任内以钱法大坏厘项

支绌皆由两局鼓铸不精以致私销私铸日甚钱愈恶而愈贱银愈

# 雷氏宗譜

卷二 年譜

又二七

少而愈贵，将为国家久远之计，不能不及时变通。故特考古证今，意在不惜材不减工。以上色铜为当百大钱，博采而俭用，庶几钱渐贵而银之力亦渐舒。果能上下通行，未必非便民裕国之善术也。计十二条约五千餘字，盖筹之数年，成之数月，用心亦良苦矣。乃当事者但视文章之妙，不信筹策之精，遽以鄙陋浅近短章驳之，并转属报房，不令发钞。一则恐为公笑，一则虑众目共覩，难逃訾议耳。他如条陈河工三次，夷务二次，乡会科场一次，大半留中，并有甄别流品之奏，或寄各督抚办理，其有明降 谕旨不行者，以具摺在事后不便。

更端之故并未取斥至弹劾各奏皆系秘折无不次第举行即外面或有周旋而 圣心尚持明断又户部库丁侵盗一案积弊已数十年一旦发觉除将库丁挈获拟罪外其历任曾经查库各大臣及其子孙均分别责令赔缴逾限不交者监追此时进刑部监者已二十四人在各省者尚多而议限已迫应续行入监之员更复不少公以为既曰罚赔究与实犯真贓有别乃密折剴切婉转陈情请 旨飭户部按已缴未缴及交多交少酌量缓急另行议尚尚未覆奏已奉特旨将已进监各员全行放出时正天旱忽大雨滂沱 内廷有雷

# 雷氏宗譜

卷二 年譜

二八

# 雷氏宗譜

公雨之稱

欽派稽查 内仓

道光二十六年丙午補授兵科

掌印給事中嗣因刑部查出前在山西司失察筆帖試積厭文案部  
議降二級留任不准抵銷經 穆師相及各同譜湊資為之捐復

光道二十七年丁未升授内閣侍讀學士是年十一月轉補太常寺

少卿 道光二十九年己酉補授大理寺少卿是年八月初一日補

授 奉天府丞兼學政十月初九日接印任事 咸丰元年辛亥

詔求直言時舉賢任能須核名實不尚圓融取巧以重節氣而勵真  
才之奏又另片稱近來暎夷屢次要脅皆由从前辦理夷務者尚在

显要，难免不潜行交通，冀图保全旧局。虽未明降，喻旨而由中不发，后来已见施行。咸丰二年壬子八月，调补太常寺少卿，十月回京复命。天颜和霁，垂询奉天情形甚悉。二十六日到任。咸丰三年癸丑正月，公以粤逆由湖南灶出，奏参练兵大臣，并保举向提督及指参岳州提督博勒恭武各折均经俞允、忽蒙、钦差与满洲翰林院侍读学士晋康巡查南河渡口，驰驿前往具摺请训。尚未起程，忽奉旨升授都察院左副都御史。复召见二次，所问多系盛京地方吏治，并询及家务。途中有合奏修整各墩台及缮治

# 雷氏家譜

卷二 年譜

二九

## 雷氏家譜

城池以資防卫一折。及至清江，奏撤山东巡抚防河兵三千听候调用。酌留四口扼要派兵巡守，均报可。时扬州已经失陷，发逆踞城各文武官均多逃避，商民殷实者或贿贼图存，或变名遁迹。琦善统兵万馀，受钦差大司关防，驻扎秦家桥，胜保与陈金绶皆帮办军务。各带兵围攻，已逾半载，未能得手。公时暂驻清江，虚张声势，贼疑有重兵驻扎，不敢北渡。清江人情浮动，探访亦无确报。有自扬州来者言，统帅与邦彥不能和协，餉需接济维艰。公以查河章程奏报已定，不过飭官弁巡守，坐此空间有何裨益。适浙闽总督慧成有赴扬州



邦同剿贼殿之命。其子晋康自奏明随父前往，并与公合折奏撤已革前漕督杨殿邦防。差事请以江苏候补臬司查文经权署漕督以资防剿，均已先后赴扬。公即奏明巡河不如巡江，请先至淮城，并高陞宝应。巡查团练，访察贼情，中途盘挾奸细二名，案系为贼。侦探官军情形，即就便正法。比至仙女庙，商民遮道而迎，以为是奉旨特简到此。彼处绅董先后谒见，知其正在团练，数止三、四百人，略制器械，未能齐全。及见公来，无不欢忻踊跃。因得询知此处各镇及里下河为贼赋之区，遂奏准在此设局捐输，并练勇三千名用资

# 雷氏宗譜

卷二 年譜

三〇

保卫，此特为助济军糈起见，非别有所希冀也。时有钱江者，系浙江湖州府人，适来投募。公在京师日曾闻同潜黄树斋爵滋侍郎言其颇有才具，竝擅韬铃，又见其所作各七言律诗，亦颇清稳。间或谈及三教，尚不纒繆，是以令其管理营务，不意其心叵测，早怀逆志。潜结骁勇，与稍有声望及贫不得志者，联成契好，笼络愚弄之术，寻常聪明所不能测者。公时已奏明招勇三千止，得一千名，大半系钱江私人，适获其寄友人手书，其中背逆字句，狂肆已极。言动之间，大有藉势生风，乘机作乱之意。公以为事在呼吸，刻不容缓，若非眼明手辣，

稍淡游移，禍即旋踵。於是密計將其調開，潛行布置，並將護衛勇目張殿魁及所帶勇百名飭令出外守口。俟錢江回營，即便擒獲，遂置於法。蓋疾雷不及掩耳，而其私党各生疑畏，均先后潛逃，亦不勞追。所謂殄厥渠魁，勝從罔治也。一面夾片奏聞，稱其延攬賢豪，以界其望，要結驍勇，以壯其威，并云捏造讖語，搖惑軍情，有名片一紙，乃錢所書，一并呈覽等語。蒙諭旨：所辦極是。欽此。公由是乘往秦州，一路商民焚香叩迎，遂看定學院考棚作捐輸局。甫到之次日，奉欽差邦办江北扬州軍務，升授刑部右侍郎。公轉回仙女廟，旋至秦

## 雷氏宗譜

卷二 年譜

三一

家桥与统帅琦善商办军务，即在万福桥扎营，奏准招募勇千餘，连前共四千八百名。此咸丰三年癸丑五月事也。是年八月，转补刑部左侍郎十一月。蒙恩赏福字及大小荷包，内装小锭并银钱，另有面果各件二十六日。扬城贼灶瓜州奉旨与琦善等一竝革职留营效力赎罪。咸丰四年甲寅正月，查知扬城内遗尸万餘，飭支发局雷凤翥於赏需项下筹款二千串，派员弁绅董择地分别男女安埋。时有土匪冒贼诈营，当经掣获四十五名，正法始得安靖。又查得东乡及十三里汪董文瀚等，自称伪王宰相先锋名号，竖旗伪示，欽

钱聚众，计一百五十村庄地保，均听其指使，以致佃户抗租，业户抗粮。公遂札拣选知县任桂蓝翎千总孙怀德，练勇千名，授以方略，星夜前往，两次斩贼约千余人，並生擒首要各犯一百六十名，审明悉置於法，併案奏明。请旨共保举二百餘员。时据已革扬州府张廷瑞称，仙女庙各镇米行，同有每石抽钱三十文，以济孤贫，自军兴以来，人民逃散，此项亦虚。难保不为书役中饱。遂札令查明，每石酌加二十文，归入捐输，以济军需。先行试办，二月餘，已得七千餘串。因拟推之各项，除当铺及无招牌，并肩挑小贸，不抽外，查明三年内，应出

# 雷氏宗譜

卷二 年譜

三二

雷氏宗譜

入钱数多寡，每千钱只准抽一二文，以期与受两不相亏。此盖稽古者抑末之法，又仿林文忠抚苏时一钱善之意，积少成多，细水长流，无捐於商民，而实有裨於军国。埃扬州办有成效，再行请旨推广。各省各就方情形，斟酌办理。此特为之一时权宜之计，倘军务已靖，自应裁撤。乃圣明洞鉴，即行推广。各省并飭将扬州现办章程，钞咨各省，以便斟酌。办此捐厘助饷之议，所由来也。又有李三闹者，本系盗案，拟斩重犯，越狱脱逃。经参将冯景泥收营效力，后冯景泥经琦善奏，参在军前正法。李三闹即带勇潜逃，至临淮聚众数千，称欲

为冯报仇雪忿。时有相识之举人张紆青，在彼处带勇帮同官军，剿公乃专书密致张君，设法潜图，先已击败徐党，旋将李三闹等首要三十余人悉行就获。由徐州道正法。此虽系张紆青等剿擒之功，然非得公一纸书，未能除害如此之速也。嗣因睿出扬城，逆贼供称埋藏银两，派员设法起挾，贼赃九万一千零除，解付军缸一万餘，悉归琦营，以济军饷。旋复奉 谕旨调赴安徽，邦同和春福济筹办军糈，已经奏明起程日期，并拨解制钱二万串，而琦善忽报在营病故，因陈奏东路空虚情形，有 旨暂缓安徽之行。陈金绶著护理。

# 雷氏宗譜

卷一 年譜

三三

雷氏宗譜

钦差大臣印务，並飭公驰赴桂花庄，与之合商进剿事宜。公乃设计诱贼深入，乘机截剿，歼毙及落水死者一千餘名，生擒贼帅等共五十三名，夺获器械无算。讯明正法。公知贼必来报复，预行准备，又毙贼约六七百人。两次奏明确系全胜，毙贼约二千人。官军止受伤一人。有 旨赏给三品顶戴，补授江苏藩司。仍著邦办军务，并准保举出力员弁。是冬复蒙 恩赏福字荷包、银钱等物。忽报托明阿将军特授统帅，只得暂缓进剿。迟至十二月，贼已养复锐气，直扑四路。托军不利。咸丰五年乙卯正月，贼大股由东路攻撲沙头江等处。经公

调聚各壮勇，奋力堵剿。一月之久，始行击退。於是商同东西，建筑长围，绝其接济。瓜贼饥困，我军昼夜防守，不意西路土桥各营守兵踈懈，而贼适来金陵救援，袭破西营。官军纷、逃散，以致全营俱震。而西路恨陈金绶不发兵救应，反推过中路，先行具折参奏。并及东路。其实中路止一千餘兵，东路止二千餘勇，势各难分力协。剿公特与陈金绶招集中，速逃各勇，扼住沙头江东路，得以固守。一面探知扬州城复为贼踞，即派雷凤翥带勇进攻。适逢贼出击，获胜仗。粮台文煜具奏，冒为己功。公於此时意在保全大局，故具折稍迟，致为西路诸

雷氏宗譜

卷二 年譜

三四

雷氏宗譜

君推过委罪，先行具奏。统帅邦办等一同革职。文煜复捏称多牧将公劾奏，陈金绶一气成病而歿。托明阿奉旨入都，而公独当其祸。赖皇上圣明知公拙直，仅予遣戍。至有新疆之役。

咸丰六年丙辰，领到文牌。四月由扬州起程，历清江、徐州，过汴梁，经及门任馨斋、桂廷，至汤阴。八月中秋后，经河南、怀庆，各府九月抵陕西省城度岁。咸丰七年丁巳二月，至甘肃省小住十餘日，到凉州换车出嘉峪关，至乌鲁木齐。九月抵伊犁戍所。

咸丰八年戊午冬至前一日奉旨，著即释回，赏给四品顶戴，补授

陝西臬司欽此具折謝恩并陈明果子沟雷深丈餘不能急度情形原摺子回头奉硃批知道了現已升授陝藩著來見欽此

咸丰九年己未秋回至陝西省城忽奉旨改授光祿寺卿時嘆夷

犯順京師戒严奎與北狩有功緩行者公謂君父之難何忍遐邇

不進即日單騎就道直趨涇河行在蒙召見三次面陳四事俱

荷。聖聰虚怀听納跪辞后甫到光祿寺新任奉旨兼署刑部右

侍郎此時聖躬欠安连降旨回奎終不果行忽報龙馭上宾光

祿寺取司祭品仓卒奔赴敬謹将事已逾两月隨扈回京即奉

# 雷氏宗譜

卷一 年譜

三五

雷氏宗譜

皇太后懿旨將郑亲王怡王並大學士肅順等問連日王公大臣九

卿科道會同刑部於內閣議罪九月初六日三人伏誅初八日皇

上登極陞年同治續復有旨將陈孚恩等問王公大臣軍机会同

刑部审讯定擬諸公各畏疑拘泥欲蒙前案辦理公以為旨意并

无指称奸党字样則於不分首从皆斬之文不符若強引此例再作

原情议减則似有意开脱欲生反死矣不如各办各案另引一例比

照议加按名例加等者不至死似觉平允金以为当故陈孚恩得发

新疆其实平心而论本应如是并非有意瞻徇也然以此不免遭谤

同治二年癸亥正月二十六日京察引见，忽有休致之旨，举国惊訝，不知所由。元间有来问者，无可对也。先是二十一日，曾具折陈奏事件，多言陕西情形，宜及早筹防，内有附片称应就近筹杂粮以补南粮，闻已交户部议准。则可知非奏折之谬。三月由京起程，行抵直隸途中，即报发逆与捻匪肆扰陕西，此以知前折所言，尤有先见。五月至河南汴梁，省城因捻匪滋扰，道路不通，俟十一月始能启至樊城，已十二月矣。因眷属尚陷於陕西省城，乃设法具东派人将妻儿等冒险出城，得返襄阳，在城内侨寓。

# 雷氏宗譜

卷二 年譜

三六

# 雷氏宗譜

同治三年甲子八月底，将回家省墓。九月舟过鄂城，经官秀峰，翁相制府牧留先关，订黄州河东书院主讲。同治四年乙丑，改聘主

讲江汉书院，今已逾五年矣。公研究理学於王太老师所纂大学中庸讲詞手钞二次，爱五子性理尤於周子太极图说及通书，以为纯粹以精毫发无遗憾。又阅朱子全书，欢其所学之博而穷理之周也。及得王阳明先生全集，遵孟子良知之说，从大本大原立论，与朱子之讲，互有参差。又大学之道，道字向來多作进为之方，解心有不安。复阅四书习解，辨作大道讲，公於是。有大学圣经贯珠解，并历年

读大中臆说杂记。公少时不喜作诗，而於杜诗则披诵不辍。遇有索诗者，不免眼高手低，难以酬应，万不得已勉强答之，而不留稿。及随黄树斋侍郎祁春圃尚书出使山海关，闽浙间，往往以诗索和，由是即境兴怀，颇多讽咏。回京之后，有友人赠白乐天诗集，读之，觉天机活泼，因而泛览韩昌黎、李太白及全唐各诗，觉气格不同，终未能如工部之敦厚醇古，声高律细也。前在江北军营幕中，有孔宥函饒饒李冰署肇增，见行笈中存有诗稿，代选刻雨香书屋诗杂二册，及公自西域往远途中纪事吟咏，较前益多。由江夏彭于藩崧毓鉴定，续

# 雷氏宗譜

卷二 年譜

三七

# 雷氏宗譜

刻四册。至所作时文散轶已多，选刻止二册。他如古文杂作各钞，仅有粗稿，尚待付梓。公於书法各家皆临摹，而於褚河南尤得其笔妙。其已上石镌就者，焦山寺大小碑四座，仙女庙镇碑二座，都中大小石四块，楹联二副，则木版也。又有手书孝经、抑戒、太极图说、朱子晚年定论，亦皆用木刻。今年已七十有六，不带眼镜，尚能书小楷。春夏秋天气融和，偶为友人作墨梅，无所师承，惟以书法行之，有无合於画家矩矱，所不计矣。

光緒元年己卯乡榜重选 公己卯逾花甲一周当经制军 李中



丞 潘学院 臧援例合奏奉 旨赏还原衔准其重赴鹿鸣筵宴。  
三年癸未值会试正科制军 涂巡抚 彭学院 高奏请 恩荣  
筵宴奉 旨赏给头品顶戴时督抚派率两标营弁排设甬道及文  
武官员均次第恭迎谒贺宴后即巡遊城中至暮方归寓所我 朝  
数百年来所仅见者矣然公意犹未满者以两次优施当拟入都叩  
谢 天恩忽於来岁之春无疾而卒此公之生平难以笔端罄也谨  
摭其大概云尔

雷氏宗譜

卷二 年譜

三八

講易堂

# 重赴鹿鳴恭紀

聖恩詩有序

竊以誠前系刑部左右侍郎以光祿卿休致在籍復何所冀  
 茲年八十有五適當光緒己卯將屆辛巳乡舉之年例應重  
 赴鹿鳴承三院查照成案提归本年己卯科辦理合詞奏請  
 奉 旨著加恩賞还原銜准其重赴鹿鳴筵宴欽此爰勉為  
 七律八首聯誌感戴愚忱因劾木当石裝册布呈唯大雅垂  
 教焉 耄老云何寵若惊廿年解纆驻江城自

## 雷氏宗譜

卷二

三九

玉清易堂

天頒沼規龍見叵地重聞賦鹿鳴算鶴行周六十度隙响漸及九旬

臣

程不图

巽命郵傳速由潘中承主稿克期入奏依旧头銜有駿声

xùn 巡

見. chán 窺視, 觀測

覆栽生成仰

庙堂年丰人寿尽嘉祥宾兴又届抡材会礼榜还思籲俊章癸未成

进士指示发踪纷猎较权宜创议力筹粮前在江北帮办时曾

议抽厘之策原世为军食计并奏明贼平即行停止也嗣金陵

克复曾致书曾相候请奏照议裁撤复书但谓倡首之功不知

予並無邀賞私心而終不果行旋即薨逝今則視為正供矣

大拂予初意是用耿乚不快耳相侯已自成功去但道功成

賴富強 鶴樓風月本无边回首春明意黯然兰谱同

倂嗟落日云司旧好怅游仙心澄井水烹犹洁住宅东有双

眼并眼向金台望欲穿雁帛鱼书徒臆度须知作合总由天

好学奚能继武公希求致用赖经通近来自立课程勉诵诸

非仙非佛期归性不惠不夷勉就中半枕黄梁都是梦一窗

红日喜相融满园花木迎春秀几度滋培待好曾似鹤鹤借

# 雷氏宗譜

卷二

四〇

## 雷氏易堂

一枝受聘为河东及江汉书院山长聊供饮啄顺时宜不违

四教多成器且听三人自得师老去倦来惟养拙雄飞雌伏

学无知

天恩至此酬何日问字殷勤尚有儿 当年远戍历羌戎运纵迢迢

道不穷触境放怀天地外救时合在夏彝中白云破处惊罪

雪新疆一路逢天阴雨倏然晴霁则见天山残雪处颇多黄

土抔来笑古风苦八站居民不解沐浴皆囚首垢面每笑其

自洗之后久不见水万里

zhūn zhān  
困顿不得志

賜环恩已渥入门下马气如虹

弛张妙用道弥深日月诸居朗照临始信阳春真有脚敢忘  
军国报无心潭中皎月捞难出襟上明珠垢不侵流水高山  
樵客林城市但安贫蘋溪唤月僧诗侶鄂渚梯云接比邻笛  
里落梅重度曲壁间飞鹤又沾春

鸿恩况复从天降鼓瑟吹笙乐燕宾

右拙诗八首倘蒙

賜和不用称呼列上衔只求 书大名及尊字或号以便汇

集成册留为佳话 麓郊雷以誠拜启 公遊广东转省作

# 雷氏宗譜

卷二

四一

## 講易堂

此联挂江汉书院 陆不憚艰险水不畏风波纵横四五万

里高者自高卑者自卑似许学山併学海

今年见所未见闻所未闻却教知古还知世渐靖烽烟事

渐增奇怪上下数千百 黄鹤楼太白堂石柱 公倘重来

定补诗篇题上界 堂仍旧贯更添砥柱镇中流

癸酉秋闈院中肄业诸生举宾兴者十八名拔贡者四十名优选者四名共六十二名极一时之盛向来所未有故为联誌之

敢云教育有方惟劝勉文行交修相期东箭南金都成国器 荆襄江汉共献楚材 且喜鉴衡不爽实搜罗庠序所养果见或登贤书或膺拔萃或被选优六十几 名皆从遊院中弟子 载多遂用楚北人才 可入詞馆可进部曹可备外职二百餘餘响振沅湘后风雅而作离骚比事抒怀知文章实本忠孝 书院 学愿弟子皆为

# 雷氏宗譜

卷二

四二

## 講易堂

圣贤 头门

真儒邈江汉继朱程以传道统陈图讲

1883年

光緒癸未年本省制军涂宗瀛中 丞彭祖賢学院高劄

中奏稿奏为在籍大员会榜重逢恭折先期奏陈仰祈

圣鉴事窃据咸甯县知县陈树楠详称前光禄寺卿兼署刑部右侍

郎雷以誠現年八十九岁湖北咸甯县人由增生中式道

光元年辛巳

1823年

恩科本省乡试举人三年癸未正科进士以部郎道官御史迁给事

中遂升内閣侍读学士转太常及大理寺少卿奉天府丞旋  
升都察院左副都御史奉

命巡視南河 欽差帮辦江北军务嗣由光祿寺卿兼署刑部右侍

郎休致回籍前值乡试中式年分重周花甲当经前督臣

李瀚章前抚臣潘霨援例奏请於光緒五年己卯正科重

宴鹿鳴筵宴欽此欽遵在案茲届光緒九年癸未正科会

试花甲一周例得重赴

恩荣筵宴授案洋請具奏前來臣等查科条例内开乡会试已届周

# 雷氏宗譜

卷二 三院奏稿

四三

孫明易堂

甲之期准其重赴鹿鳴

恩荣筵宴三品以上大员由該督抚专折具奏等语欽惟我

皇上寿考作人 文明敷化宏开春榜喜多士之联翩再值科庆

耆臣之遭际茲前光祿寺卿兼署刑部右侍郎雷以誠早

登科第洊历卿班罄忠說之敷陈膺罕茂之重寄

圣恩优渥曲與矜全林泉遂真优游间里奉为矜式前此食苹载泳

寵錫原衍茲当簪杏重逢益彰盛事达姓名于

九重天上咸知耄耄之儒臣阅科目于六十年来宜沐

朝廷宠眷伏查来年癸未正科距雷以誠中式之年花甲已周与重  
宴之例相符虽尚在停止筵宴期内臣等仍应循例奏明且  
该员雷以誠来岁年届九十品行素优精神犹健洵屬

熙朝人瑞天恩量予加獎以示优异耆臣之处逾格鸿施合詞恭折  
具陈伏乞

皇太后 皇上圣鉴 谨奏

# 雷氏宗譜

卷二 奏稿

四四

雷氏宗譜

奏为审察时事泰运方开宜宽大仁厚先固本基以迓天庥而定

民志敬陈管见仰祈

圣鉴事窃维惨舒温肃乃气化之自然而兴替隆污视措施之互异  
自古帝王未有不盛於慈祥而儆於乖戾者我

朝二百餘年

深仁厚泽洽髓沦肌比缘承平日久文恬武熙奢侈相矜农賤商贵

虚夸积为气习官吏不尽贤能政令益繁规避弥巧夤缘以通

显要昧廉耻而愷钻营州县之抚字无闻庠序之条教徒设入

官者未必服古有文者半多无行贫者每多怨富雷者渐亦欺  
贫戈戟填胸戎占莽伏阴阳致寇忿结妖生虽复

宵旰勤劬师徒拏伐而侵氛不能速止民困未见其苏所从来远矣  
臣观逆匪蹂躏之区多奢靡骄淫之习如晋省虽被滋扰元气  
尚无大伤秦中本属名邦全境独称完善是殆敦庞朴实勤俭  
恣愿者多欤造物何私惟知助顺正宜及时整飭善自拊循以  
养以教相保相安则封疆大吏良有司之责耳今各省用师亦  
已久矣无平不破无往不复上年七月天象垂戒元恶伏诛八

# 雷氏宗譜

卷一 奏稿

四五

玉函易堂

月朔繼有璧合珠聯之庆时更秋收正稔万宝告成又傳潼关  
等处河清岐山凤鳴永順麟产因知

圣朝不尚符瑞附会未必全真然斯人望治之心其端已见书曰

视自我民天视听自我民听彼苍厌乱民爱方殷惟转运之有  
机故民人之胥合也臣以为顺应必厚其基道齐宜始於近京  
师者天下之根本也宜定不扰宜聚不宜散宜使之相助毋使  
相陵宜使之相亲毋使相忌八旗之生齒日繁舍钱粮则俯仰  
无藉今已折减不敷矣五方之民人杂处惟交易乃事畜有资



今更支撑无计矣固有凶顽桀骜起於狗偷鼠窃横行虎噬狼  
俸究多啼号寒臣署理刑部甫逾一年而援案正法已百数十  
老子云民不畏死奈何以死惧之盖咎其本之不善非法令所  
能禁也孟子谓民无恒心因无恒心陷罪刑之是罔民也由是  
言之岂可但律以刑章不一思其犯法之故乎夫食与用乃生  
民之命今南粮道阻而食维艰钱钞不行而用复滞惟御史宗  
室广诚筹议粟一折似能探其本原切实简便至钱法与当商  
二者尚未议妥此诚关现在切要似不宜再事因循果能饥溺

# 雷氏宗譜

卷二

奏稿

四六

雷氏宗譜

为怀痼瘵在抱实心实力设法运筹俾利用厚生衣食有赖贼  
盜可期渐息也盖狭隘酷烈总屬伯图广大涵宏乃称至治不  
以烦苛挠静不以残刻伤和则临下以简御众以宽之道矣御  
史为监察之官原许风闻言事然必确实有据方可形诸  
奏章诚以言为心声辞尚体要即敷陈之得失以见品学之纯  
疵或抗以直抒或婉而多风总期有裨大计悉协机宜彼琐屑  
之细谈究与要务何涉若安常之拟议恐於应变无关臣又以  
为当此时会艰难固宜明目达聪以祛其壅闭尤贵归真返朴

以养其性天庶可杜攻击倾轧之萌而臻刑赏忠厚之至也周  
易云 地之大德曰生圣人之大宝曰位何以守位曰仁禁民  
为非曰义义者所以裁仁之过实以成此仁而范於中正也今  
敝典重颁义之尽而仁之至也征讨十年数之成而机应转也先甲  
三日占在庚辛去旧更新之象也元年资始阳春布令体仁长  
人之时也尤愿

皇上本好生之德宏爱物之心崇节俭以黜浮华戒虚文而期实政  
先其所急则事无泛图略其所轻则大者毕举於以

# 雷氏宗譜



卷二

奏稿

四七

雷氏宗譜

善继善述 克宽克仁行见歌咏深於腹心

邦畿巩固雷霆继以雨露寰宇乂安矣比不揣冒昧敬献刍蕘伏乞

皇上圣鉴

奏

咸丰二年十一月二十日奏通筹御贼急务折太常寺少卿臣

雷以誠跪

奏为通筹御贼急务敬陈管见恭折密奏仰祈

圣鉴事臣窃惟粤贼之起蔓延数省今闻已陷岳州又灶薄湖北省

城矣

督师诸臣现奉

严纶切责徐广缙等自不能辞其咎而弃城远遁之博勒恭武尤宜

急正军法以坚人心而作士气军兴以来贼过辄陷诚如

雷氏宗譜

卷一

奏稿

四八

雷氏易堂

圣谕所云贼至不击贼去不追进不能战退不能守所以然者非尽

城不坚兵不众也将无耻退之心士无敢斗之志耳使军令严

明将士皆知退不免死进可获生亦谁不勉图敌忾之功而甘

受僨军之戮者哉洵军兴以来应死者不止博勒恭武一人不

知雷霆之威震於一击非必尽搜天下之不孝不敬者殛之无

憾也晋文於顛顛汉高於丁公前事可师惟

宸断决然行之又河南江西安徽等省均奉

圣算周详

諭奉严密防堵有备无患自应计出万全臣愚以为此次贼匪起自  
山海之间平阳之战非其所长所虑尤在沿江一带现既窜入  
湖北则两江一带可以浮江而下风闻伪示有定都金之语虽  
难保非声东击西之谋然江南富庶贼所覬觐风帆便利一日  
千里无论能否攻破省城皆当虑其潜师东下贼若袭取金陵  
伪行仁义要结民心内收盐梟外结岛寇则漕运不通将成割  
据之势虽我

朝

雷氏宗譜

卷二

奏稿

四九

平陽易堂

列圣相承

深仁厚泽浹髓沦肌万万不至於此而小臣私忧过计不能不及於  
此今两江督臣陆建瀛尚驻工次臣愚以为权其缓急河工宜  
责成留辦臬司臣查文经随同河臣杨以增实心妥办陆建瀛  
宜回省城加意镇抚民人修饬武备遏而防之以期无患是为  
至要现闻贼匪窥伺武昌省城江夏实附郭首邑抚臣等筹办  
防堵已久现宜乘贼尚未齐随到随办急击勿失向荣徐广缙  
等计可先后遵

旨抵省。重兵既集，自可无虞。疏失省城上游之金口等处，水陆各要隘，亦必加意防截。贼党之总至，惟省城下游百八十里，与黄州府城对江，为武昌县城。昔吴孙权常移都於此，六朝遂为重镇。实自古用兵之地，沿江一带，如江夏之青山，黄州之阳逻，团风三江口，武昌之樊口，大冶之道士袱，蕲州之州城，广济之田家镇，武穴皆为扼要地方。黄州府武昌县城，皆宜派得力员弁，带兵固守。而阳逻江面，较狭，道士袱尤宽，不过十丈，砥险水恶，实吴楚门户。关琐此，皆沿江要隘。之在省城下游者也。诚恐贼因

# 雷氏宗譜

卷一

奏稿

五〇

孫明易堂

省城难攻，藩师东下，出其不意，攻其不备。又蹈岳州之覆辙，则东南数省，无不震动矣。应请

皇上迅速严审，敕下督兵各大臣，留意筹画，策其万全。东南大局，实系於此，尾失去不全。

再臣近闻得广东夷囚有赴天津等处投书等情。如果属实，大有窥伺希冀之心。急宜審度所由，密防其渐，竊维夷犯順垂及十年，虽名为就抚，其实据我要隘，侵我利权，犹复饗餐无厌，屢滋事端，即以广东而论，既据香港，旋图入城，经督臣徐广绅等相机筹办宣布。

德威追远，一切遂尔安靖。

先皇帝因该督抚刚柔得体，懋赏褒嘉，方期宽以岁月，为默运潜驱之谋，庶几舟山可复古，浪终远以成。

# 雷氏宗譜

卷二

奏稿

五一

講易堂

先皇帝未竟之志，今当

皇上绍承大统

德政维新，该夷不思帖然效順，乃复到处投书，臣度其诡计，意以为从前辦理和议，诸臣尚居重任，冀图其书得上，或藉左右一言，耸動

天听，且又安知非当年劝办夷务者，心怀疑忌，暗通消息，招之使来，思欲挽回旧局，以实前言，均未可定，臣固知

皇上洞鉴，必不为其所惑，然恐其中复有要胁反间之谋，未可不加

熟察也。夫赏以旌功，必罚以待罪，似不可以偏废。应如何将从前办理夷务不善之员，明示惩戒，俾该夷闻知，不敢再行妄生覬覦。是在

圣明之裁决矣。况臣闻该夷以屡次用兵，国计日蹙，复何能为。

皇上但密飭沿海督抚，激发天良，鼓励义勇，使知责无委卸，则平时各加整顿，临事自有主张，果皆能宽猛相济，调度有方，则曷畏

威怀

德，当不特粤东一省为然也。谨附片密行。

# 雷氏宗譜

卷二

奏稿

五二

# 孫明易堂

奏

闻此折系在盛京学政任内所发，正折乃举贤任能，综核名实，失

去。再密陈者，自绍兴甯波及杭州省城相继失陷，贼势益形

猖獗，传言现在撻造舡隻，难保不窥伺北路。计大津海口前岁

因用兵所筑炮台炮位及各营垒均已毁弃，若不早为筹备，诚

恐东南风起，该逆扬帆北向，旬日可达。特贼艘之来，必经登莱

旅顺各口，似应请

旨密飭山东巡抚盛京将军相度形势，择要潜行设法准备。又该逆

既据杭州计必渐图江北苏杭海道通南通州若乘顺风一昼  
夜可抵海壖至州城不过五十里而里下河数州县将望风而  
靡富贖之区皆在其计中矣镇江在江南本属孤悬兵勇多分  
驻江北上年秋冬间所以能粗安者由贼此时志在浙江故暂  
置江北为缓图今苏常浙江尽为所有势必遂窥江北若里下  
河果陷於贼贼自下而上隔江之贼自南而北非特镇城难以  
图存而扬州及仙女庙邵伯等处雖不遭其蹂躪因而上及高  
宝淮安清江以成水陆北甯之计现在署漕督吴棠驻守淮安

# 雷氏宗譜

卷二 奏稿

五三

## 平請易堂

臣前巡查南河渡口适该督臣由他缺调回清江因得晤面访  
知士庶僉称其时值扬城失守居民纷纷迁避土匪乘机抢掠  
及吴棠蒞任严拿究緝人心始定惟自河督撤去之后此地遂  
属空虚淮城距清江不远形势联络西南上连豫皖东南下控  
淮扬北背山左乃咽喉扼要四面受敌之区该署督贤能素著  
在清江最久情形熟悉而敢有为特虑淮安城薄兵单不足以  
资捍卫以臣庸劣可否

密飭该署督就近添募精江於城外及清勇地面各要隘筑垒建堡



严密防范多发侦探上以夹剿皖豫下窜之匪下为高宝扬州江北策应可期得力至徐州一路应如何赶早布置防御之处亦由该督体察情形设法筹办总期不令该逆北窜为要夫水路防於登莱旅顺陆路防於清江淮徐此防之於远也至天津则近为京城门户固不宜顾近而遗远尤不可恃远而忽近现在该夷国等协同我兵攻击上海逆贼尚见信义该逆未敢遽然北窥然贼情险诈异常与其踈而无备不若备而不来也谨附片密行 奏

# 雷氏宗譜

卷二

奏稿

五四

## 雷氏宗譜

闻再臣前在奉天府承兼学政任内曾有五谷并征就近筹办以抵南粮之议嗣值粤逆滋事臣已卸任入都复有巡查南河渡口差务故未及陈奏回忆当日查访情形尚能言十之六七缘关东出产以稷粮黄豆黑豆为大宗小米粳米次之黄豆行之江南小米行之山东计每年由山海关贩运出口约壹百伍陆拾万石而吉林道远粮食尚未全数到口咸丰二年东省曾奉

旨飭令劝办粮石另有附寄清单粳米一石作银貳两小米一两八钱稷粮一两貳钱彼时因筹办军饷未能银粮并行然已开铁

岭县马蜂沟小河以通吉林边界运道今岁南粮道滞京城民食维艰不得不预为筹备似宜趁此春融河道方开之际设法妥办况值江南不靖沙艇势难北上贩运出口者必少所有关内各处屯积杂粮正好载运天津以济京师民食查关东向来运通米豆俱调直隸艇隻转恐旷日持久其实近处守河渔艇甚多从前渔艇定额八百八十只在河内驾驶闻该渔艇自四丈至五六丈装载可容数百石及千石不等今若为筹京饷起见无庸防其偷漏或令捐输或办採买应许其一律载运出口

# 雷氏宗譜

卷二 奏稿

五五

## 雷氏宗譜

来津合奉天吉林两省杂粮当可得二三百万石则京城可无缺粮之虑矣夫六谷皆可养生圣人治天下使有菽粟如水火菽乃豆属粟者各谷总名农政全书载粟一穗万颗为一本万利即指小米而言又大小麦山东为上其次河南直隸及关东出产亦佳皆与稻米并重关东愷食白粳粮非此不饱粟麦粳粮三者不能久储臣以为已入仓者可分四季监放或届期艇只到时发给部票令各自赴船关领派员记数似亦简便他如辽阳及直隸玉田等处亦出稻米宜斟酌就便带筹合计各项多

寡分成答放即南粮一时不到亦不足虑至钱法乃国家大政非特救时尤期可久应如何裁酌妥议及令各当商开市便民之处再行另折缕陈务使上下通行无窒为此附片具奏伏乞

皇上圣鉴

奏

再山陕两省尚属完善尤宜及时极力保固臣前折已言其意兹将见闻所及缕悉具陈陕西号称天府据百二之险有四塞之固省东潼关外接崤函关城迤南谓之禁沟原上旧建炮台

# 雷氏宗譜

卷二

奏稿

五六

一講易堂

堡楼逾禁沟即秦岭有三谷山通雒南由雒南而东即古武关再东为商南商雒陲步皆山计潼关正东一面南北横亘约五百馀里地广路岐多与河南之灵宝盧氏内乡浙川等厅县毗连其间如卢灵关箭杆岭鸡头关富水关青山梳洗楼等处皆著名隘口再由商南之东南隅转折而西则有商州所属之山阳县兴安府属之白河洵阳紫阳等县又与湖北郧阳之竹山竹谿诸邑犬牙相错至省之西南兴汉二府乃川陕门户秦岭蜿蜒其中统曰北山嘉庆初川楚教匪滋扰群寇往来出没是

兴汉二府界连楚蜀均应驻设重兵以严肩钥而卫肩臂潼关正北秦晋以黄河为界关城西北朝邑郃阳韩城一带与山西清绎唇齿相依若守二华尤应以河东为屏障此臣两次往远陝地访察其山川迳道之大略也臣窃谓现在陝西防堵应以河南捻匪为最然捻匪覬觐陝省不必定由崤函以抵潼关或趋灵宝浙川等处即达商雒则防守不仅潼关一路凡卢氏关以至梳洗楼各要隘在在皆宜设防彼捻匪连次窥伺陝西卒未能出河南界者以河南府洛阳县陝州各属逐处防范闻上

# 雷氏宗譜

卷二

奏稿

五七

孫傳易堂

年秋间捻匪窜扰经该府县率绅董壮勇奋力截剿匪始溃逃盖洛阳为入陝第一冲要倘或堵截不力该匪以未能遽入陝境必将直犯山西秦晋古称富强今幸完善封疆大吏宣眇域不分以全大局臣察看陝西重山叠嶂径窄途纡有高屋建瓴之势若能及此涸暇极力筹画积粮备餉选将练兵自能以守则固以战则克即使中原军务棘手该逆仰战较难而我下攻则易譬之泰山压卵寡可胜众也至山西太原北背五台六百里界连直隸完县西边直接太行连四大天门距直隶之井陘

約五百餘里府東緊接汾河通大同宣化三百餘里連霍山五  
百餘里通平陽臣未亲历不能十分詳悉大約表裏山河崇峻  
片

奏

聞

雷氏宗譜

卷二

奏稿

五八

講易堂

## 行述傳讚說

叙譜之有行述傳贊由來旧矣一族之中户口益众贤否不同其间有忠厚勤儉起家能調恤亲旧及乡党邻里以致子孙繁衍发名成业此善行众著后人追思其德为之立傳并系以贊宜也又或阴行其德不求人知及见其后人发祥人争訝之经一二父老曾与其祖若父密好深知其平日立心制行有一二端裨益於生灵或出一二真正语言救人身家扶世翼教者虽无赫赫之名而幽独中之悚惕行检人所不及窥而屋漏神明默识其隐自父老

## 雷氏宗譜

卷二

行述傳贊說

五九

## 雷氏宗譜

言之始信其子孙获福有因后人为之立傳所谓发潜德之幽光也至於节妇节女必十餘岁二十餘岁按照定例守节已逾二十五年年过五十方准呈請

旌表亦须条列事实礼部方能題准建坊其有年分未届或已届年分而子孙一时贫窘力难呈請或承继未定已过年分者适逢族中叙譜可即先为立傳者若未到五十餘年则但条记其居家事奉翁姑及养教孤儿实迹以俟他年如本家无力請

旌即应由族众代为籌請所以劝节孝而励风俗也他如孝子孝媳

孝女亦必实行可据始终如一生前行述死左立傳其餘虽无出  
类拔萃之善而其人尚廉正忠信或能排难解纷乡里称为良善  
众著而不没者无论绅衿白素生存之时姑立行状以表其能而  
已盖行述者以其实有善行可述也傳贊者谓其实有德业可傳  
可贊也故生存者只准有行述不准有贊傳即为死者立傳亦必  
循名核实其文章亦必简练名贵方可刊刻列於譜末夫人性皆  
善即不能希圣轶贤亦当勉为善士自世教衰民不兴行平日恃  
強欺詐武断乡曲及族中修譜乃欲文过饰非辗转千求稍通笔

# 雷氏宗譜

卷二

行述傳贊說

六〇

雷氏易堂

墨者为之立傳附入譜牒以誇耀於众其人可谓无耻而为之作  
傳者复受贿托瞻徇情面剿袭浮詞謬妄粉飾甚至鄙俚不甚八  
目名虽曰傳实则商贾往來信札山野歌謠所不屑也而董其事  
者亦皂白不分好丑不问濫为刊入岂不与心相刺謬乎近闻吾  
县重修志书中有孀妇已经报节志载明白而此妇复行再醮者  
合县哗然致有重复改修之议若家譜傳贊不能核实则将退有  
后言为里党所消滅以奸修之士尚恐晚年丧德矧乡里庸愚更  
难必其老无玷行故生存立傳不可不十分审慎也其或少壮虽

为人所譬以迨垂白忽然悔悟力行善举竭其才智不惮艰险不  
惜已资除向来之大害以安良善利赖无穷此豪杰有志之士身  
歿而名不朽者百年难逢一二为之立传可以为改过自新之功  
是皆在督谱牒者一秉公直详加体察毋偏袒毋苛求於作行述  
传赞到时严定去取庶使家训整齊善行奋发仁让可兴风俗益  
厚耳惟诸君共谅此志焉

同治己巳年十月朔日

1869年

雨香书屋鹤皋氏谨撰

# 雷氏宗譜

卷二

行述傳贊說

六一

玉清易堂



忆伯 父北轩公 以誠

我自七岁时卯角入家塾。伯父训有方。辨字正音读。大中兼论语。蚤夜诵相续。不令行数多。但期习温熟。章注随经授。毛诗乃三复。带讲河洛图。圆方绘成局。五十居中间。懵然听羲伏。唐宋七言绝。都是手钞录。喜见高轩临。将命少仪肃。太息以未终。师资先有属。

忆 叔父箴斋公 以誠

我未成童时。叔父教亦至。小注兼尚书。温故知新意。尔雅杂古文。督课靡不备。及到读周易。开讲四书粹。理道亦何深。时文略知味。适顺

雷氏家譜

卷二 五言古

六一

玉函易堂

殊难佳。惟思毕戴记。谓博始能约。不厌自不器。未敢负光月。安能恣游戏。以兹梦寐中。怵惕犹懔畏。沈潜明渐生。喜当发智慧。外侮急宜就。经师不我弃。花发非偶然。不忘种花地。

忆 叔父华国公 以誠

我生四岁时。曾覩四叔度。心广体自胖。声高语可怖。衔杯弥坦怀。好客纵豪晤。我父长孙诞。钟爱情独注。舍怡偏分甘。拊摩得意处。甫逾四十春。蓬岛即仙遇。遗匣藏书文稿不全具。幸有墨树留点画。稍遭。盛体仿九成。官丰神略如故。我性酷喜之。临摹领其趣。裕后岂偶

然此中或有数。

忆 诸兄

以誠

我生独最晚落在诸兄后同胞共五人於我偏厚嘉果说前因吉梦  
报

先母早结文字缘农工商之首以此爱特钟属望亦云久实本翼雏  
心盼作射雕手穷且志益坚遗言犹在口诸兄领教训听夕勤抖擞  
筵豆和乐中劝励远善诱相期苦得甘庶几任无负艰难到十分初  
念总常守果然困已极转若天启牖不过七年内剑光卒射斗筹国

# 雷氏宗譜

卷二 五言古

六三

## 誦易堂

意靡穷，筹家复何有。昔曾干九霄归来一钓叟，荣兄只赠封尊亲具  
粃鹵但愿景先灵，孙子尽琅玖。

忆 堂兄大容在虞

以誠

我父生子五，我伯一子二。合之数成七，独列季之季。四兄善谋生，二  
兄是主器。读书复未成，中道将文弃。曾与外傅遊，一载删文艺。伯父  
灼见之，服膺不能置。由是至堂师，应订声气。将我属门下，实绿二兄  
至。喜我有佳文，盼我膺明试。著鞭必使前，占课必期利。琼宴归来日  
自矜有先智，却次在虞兄。未能复把袂，德业緬祖宗。百年绍不坠。

通邑虎形山墓圖



雷氏宗譜

卷二

山圖

一

講易堂



立合同字契人通邑合唐端木等咸邑合族雷达先等缘雷姓始祖载七公妣黄葬於通邑蔡家岭下虎形山即今之花坟地名夫妇同茔癸山丁向有坟无山覆碗为界有雷姓之祖存葬於中前后牌葬无空左右毗连无隙只可坟头立碑不可众践唐姓之塚爰雷姓置贖崇邑程玉林田三升五合坟山脚下以为山下致祭拜台之基敬迎三县绅耆爰立合同二纸即为谱注有雷姓嗣孙不得以坟占山有唐姓嗣孙亦不得以山废坟恐口无凭立合同二纸二姓各执一纸永后为据 契内添五字

雷氏宗譜

卷二

合約

二

講易堂

明五十 通邑 曹佑远 阮守尊 崇邑 程阮亨

吴万贵 云从 阮年生 夏三堂 吴清泰 廖国太

唐 户族端木押 夏良涣 吴大顺 吴仁山

从先十 仲升十 咸邑 冯溥泉 苏思乐

雷 户首达先押 云龙押 刘心如 夏寿田

同治九年十月十六日二 世代昌隆合同

崇邑程至理亲笔立

立大卖田契人程玉林父子等情因钱粮紧迫无处可辨请中说合  
父子商议情愿将祖手置买水田壹坵坐落土名通邑花坟脚下四  
至明白不开计种三升五正米一升零五勺当日三面议定时价钱  
三十拾千文整出卖与咸邑雷汝先合族等以为拜台之基自系绝卖  
永不回赎当即契惯两交收清字不用自买之后听从雷姓坝砌拜  
台有卖主不得生端异言恐口无凭立契契永远为据契内添一字

士贵 清元

文雅 际亨

雷氏宗譜

卷二

合約

三

雷氏宗譜

凭中程 遇春 国彬

日升 吴万贵

依兄命程永泰代笔

同治九年十月十四日

沿河市虎形山墓圖



雷氏宗譜

卷二

山岡

四

玉簡易堂

此图系沿河市虎形山七世祖 文簡公迁葬地八世 玉一 原


三二公葬外侧十四世 正衡公之配苏氏葬内侧共计四塚其四

至上至顶分圻为界左至畔分水直下为界右至塘埝直上为界下

至田勘为界其山分属 玉二玉四二公之裔管业立碑为据合議

永远不得添葬

金 視 山 墓 圖



雷氏宗譜

卷二

山 圖

五

講易堂


此图系金初形山五世 碧堂公之继妣 刘孺人葬地其下等内

二塚系十一世 伯朗公之妣 秦孺人十四世正衡公之妣周孺

人墓也上至顶分水为界宽六丈五尺下至等横过为界宽六丈一

尺左右挖沟为界山属玉二公分管业

# 鐵 炉 塘 墓 圖



雷氏宗譜

卷二

山 圖

六

講易堂

此图系柏树下铁炉塘地十六世 祖调公公之妣 刘孺人墓也

上至后脑山坟坳为界左上至窠下依咀外田边直下至咀头沟为

界右上分水为界中有吴坟一塚在内系覆碗不得以坟占山下窠


坟坳横过至杉树咀依树一路直下为界乾隆乙未立碑

此坟之左於光绪乙酉年添葬二十世霍皋公坟一塚民国丙辰年

添葬二十二世 吉云公坟一塚均立有碑



三台星山墓圖



雷氏宗譜

卷二

山圖

七

雷氏易堂

此图系大冲陇王窠宿三台星形山二十世 世漠公之妣 夏孺  
 人葬地也其下等三塚系二十世 楚林公与妣刘孺人暨长子明  
 远公墓也山内有孤坟一塚葬外侧其四至上至属自置树林下至  
 楚林公坟头横过为界左至凤翔公山为界右至山颈分水为界山  
 属 世漠公自至

圖山形漢羅后背屋新下



圖龍來山鴉烏宅二陽陰



雷氏宗譜

卷二

山圖

八

玉齋易堂

栗林仙人撲掌山墓圖



雷氏宗譜

卷二

山圖


九

講易堂

觀音埗山圖



竹雞山墓圖



雷氏宗譜


卷二

山圖

十

講易堂

純冲隴黃牛形山墓圖



雷氏宗譜

卷二

山圖

十一

璠易堂

此图系纯冲垅黄牛形山十九世祖抡官世泰公墓地也右侧二十  
 二世裕文公墓地坟多不及畚载其四至上至茶地为界左至茶地  
 为界右至巨朝公山立碑石为界下至坪弦为界山之中路上属金  
 字公置中路下属瑤山公一支添置

行端公葬大博腦墓圖



雷氏宗譜


卷二

山圖


十二

講易堂

韓孺人葬楊家坂蜘蛛地墓圖



石和尚蟹形山墓圖



雷氏宗譜

卷二

山圖

十三

講易堂

此圖系石和尚蟹形山二十一世祖坤元公葬地側二十二世念新公之墓前列二十二世義聖之配劉孺人之墓也此地系一元坤元定元方显巨涵在岐朝宗七分置買坟多不及备載其四至上至田堪为界下至田为界左至沟为界沟外置有乾田三升作做坟取土之用右至田为界

老屋門口獅子流涎山形墓圖



雷氏宗譜

卷二

山圖


十四

雷氏易堂

此图系老屋門口獅子流涎形山二十二世祖定元公妣金老孺人之墓地也立有石头坟台右侧外附葬有坤元公坟三塚其四至上至顶圻为界下至菜园为界左至茶地菜园为界右上至柴山咀为界右下至天乙坟山为界山以天乙界直上靠右属定元一支添置餘地均属坤元定元二公所有



飞蛾地地图



雷氏宗譜

卷二

山图

十五

雷氏宗譜

此图系杨家飞蛾地二十世祖 庆元公妣刘孺人之墓附右侧

靠左侧永方公妣董孺人墓合茔此田三斗系庆元公支下裔孙管

业永方公子孙不得以坟占田此据

金家湾大塘美飞凤朝阳图



雷氏宗譜

卷二

山图

十六

講易堂

此图系金家湾大塘美飞凤朝阳图葬二十三世祖一塚 金老孺

人之墓娣姝同茔坐山左系是理承母坐山右系是人和母上至金

高字界下至三台公室人坟头为界左至志兴为界右至彭大顺为

界四至明白内有茶地塘一块

孙清文订

大冲垅大山蛇形山圖



雷氏宗譜

卷二


山圖

十七

講易堂

此图系大冲垅大山咀蛇形山图葬二十三世祖 兆璜公之墓左  
至和鳴茶地右至以路为界下至本主大等至下宗卿为界上至坪  
山顶界背后来龙平顶左右至分水为界不准锄挖四至明白

寅孟公山圖



雷氏宗譜

卷二

山圖


十八

講易堂

河圖



接 駕 山 圖



雷氏宗譜

卷二

山 圖

十九


雷氏宗譜

此系十都接駕山墓圖其山周圍過木尺壹百六十三丈靠吳姓屋

后面塍間有大小樹數十株外下脚左角有荆棘一從其餘概無異

姓相連

郭家边墓圖



雷氏宗譜

卷二

山圖

二十

講易堂

此山圖十都郭集边吳太孺人墓地丈尺墓前有碑所載文丈尺与

譜相符前至后八丈二尺五寸左右拾貳丈前山脚下有界五塊靠

郭姓檐下排立

老屋門口獅子流涎山形墓圖



雷氏宗譜

卷首上

山圖

一


講易堂

此圖系老屋門口獅子流涎形山二十四世祖惠然公妣王孺人  
之墓地也立有石頭坟台左侧外附葬有惠然公妣坟二塚其四至  
上至顶圻为界下至菜园为界左至茶地菜园为界右上至柴山咀  
为界右下至天乙坟山为界以天乙界直上靠右属惠然公一支添  
置餘地均屬惠然公所有

孝男长子世鳴次子世洪制图

公元一九九四年岁次甲戌阳春月谷旦

# 皆吉庄住宅地图形



## 雷氏宗譜

卷二


山图

## 雷易堂

黑皮林山东至大山地南至后屹山西至大田北至村电线杆后屹  
 山东至本庄麻地南至大地机沟西至貳屋后西至黑皮林栗林山  
 东至雷君荒地南至专新家等人田西雷石地北至大机沟雷新海  
 各  
 与刘右半唐洲五十亩二三号鱼池包括七千元北池角新池十号  
 池熊家咀大湖七十亩东至金中及声望池南至乡鱼池堤西至西  
 凉湖北至詹池堤西凉湖辖区湖水上游至汤家井尖与巷交界湖  
 水下游三级藕与巷交界



雷公暨德配劉老孺人墓圖



雷氏宗譜


卷二

山圖

講易堂

余先祖雷榮公暨德配劉老孺人是吾門始遷祖吾族后嗣選擇此  
 山來脈上有貴人騎天馬玉象伸鼻白卷絲左有仙人射金箭對面  
 美女獻紅桃右有金龍飛五洲引出雙風朝陽下有石塘把水口磁  
 住四川風水留毓秀景色陶官人實乃仙地何比汝吾祖卜葬斯山  
 后子孫藉衍瓜瓞綿延作繪圖書墓誌以示萬古后裔而憶喚

鶴皋公墓圖



雷氏宗譜

卷二

山圖

講易堂

坟墓乃先人体魄所藏之处也。如鶴皋公迁葬之地名曰虎形山。公葬於虎头上有祖塚佳城一域。下至拜台坑。左边以路为限。右以菜园边为界。后世无论何人不得妄为侵毁。窀窆之域地此裁。

墓穴  
zhūn xī

施雷屋宅地图形圖



曾以完請

卷二

山圖

講易堂

吳孺人墓圖

